

Vg
876





IX
C. 205. 5. 25.

V
g
816



Erclerung der
Streitigen artick
eln/ der Conuoca
tion zu Harburg
durch Jo. Cocle
um.


UNIVERSITÄTS-BIBLIOTHEK
HALLE
(GALE)
530.



BIBLIOTHECA
POMERANICA
POMERANICA

IX.

Des erwidigen herrn/herrn Paulus
Abbt zur Zellen mainung auff die.xv. Artickeln der Cō-
uocation zu Marburg an den durchlauchten hochge-
bornen Fürsten vnd herrn herrn Georgen Dertzogen zu
Sachsen ꝛc. geschrieben.



Durchlauchter hochgeborener Fürst Gne-
diger herr. E. F. G. sein mein andacht vnd
was ich gein Gott gueths vormag mitt
dienstlicher wilfarung in alle zeit zuvor /
Gnediger Fürst vnd herr / die vorgleich-
ung Luthers vñ Zwinglins zu Marburg
gescheen / welche mir. E. F. G. jüngst im Closter zu vber-
leszen gnediglich gelassen hat / stelle ich alhier. E. F.
G. wider zuhanden / vnd vormergke / das sie der sach-
en gerne wolten eins sein / nachdem yedes Reich in sich
selbst zertrennet / verwüstet wirt / So befinden sie auch /
das sie durch diszen zwyspallt / weniger vormögen we-
der der Kirchen eynikeit / derwegen sie auch vorheischē
liebe gegen einander / so ferr yedes gewissen immer ley-
den kan / welches sie den Papistischen (als sie es nēnen)
nicht vorheischen / sonder ehe schenden vñ lestern durch
alle grad vnd Stende geistlicher vñ weltlicher oberkeit
Vnd ap Luther vnd Zwinglin ettwan (wie Pilatus vñ
Herodes) eins werden / so wirt / meins bedunckens /
der Luther ehe dem Zwinglio nachgeben / Nicht das
Zwinglius gerecht sey / sonder das Luther sich erstlich
von der warheit des heiligē Sacraments begeben hat /
in deme / das er verleugket die trāssubstantion des brots
vnd weins / welche die gemeine Christliche kirche glen-
bet / vñ hat dadurch der Luther dem Zwinglio vrsach
geben / vnd den wege bereyttet zu diszem irrsal vnd ketz-
erey. Auch hat Luther in diszer disputation zu Marburg

bsundern schimpfferlanget / darumb / das er zuvor viel
mal geschriben vnd geleret hat / man soll die Ketzer mit
schriff vberwinden / welchs Luthern alhier selbs gefe-
let hat / vñ sein schriffvorstandt / ist weniger vñ schwe-
cher gewest / dann das er hette den Zwinglin vberwun-
den zc. S. Paulus aber lernet das wyderspil / vñ spricht
Nicht das man den Ketzer disputirende soll vberwindē /
denn der Ketzer wil vnüberwunden sein / Sonder sagt /
man soll den Ketzer meyden . Vnd S. Joannes in seiner
Canonica spricht / man soll den Ketzer nicht beherber-
gen / noch den Brus bieten / den wer das thut (spricht
S. Joannes) der macht sich teilhafftig seiner bosen art
Demnach / dieweil die Oberkeit das schwerdt vō Gott
empfangen hat / so braucht sie dasselbe billich / zuvertil-
gung der Ketzer / wo man yr sonst nicht mag abekomen
ader losz werdē. Söder in den letzte wortē yres beschlos
do yedes teyl bittet / Gott wolte yhn durch seinen geist
den rechten vorstandt bestettigen / melden sie / vñ mach-
en hell vnd klar yre hoffertige torheit vñ thörichte hof-
fart / denn sie bitten nicht das yhn Gott den rechtē vor-
standt soll vorleihen / sonder bestettigen. Haben sie den
rechten vorstandt / des bestettung sie von Gott bitten /
(wie yn denn keiner hat) warumb seint sie nicht eyns
worden ? Seint sie aber nicht eins / wie haben sie denn
den rechten vorstandt ? Disz hab ich mit der evel / nach
meinem geringen vornehmen / zu yrer schrifflichen vor-
gleichung wöllen antwortten / auff das sie nicht on alle
vrteil von mir quemen / vndertheniger tröstlicher zuvor
sicht. L. S. G. werdens in keinen vngnaden von mir an-
nehmen / sonder mein Gnediger herre sein. Geben zur
Zellen Sonabents nach der .xi. thausent Jungfrawen
tag Anno zc. xxix.

Dem Erwürdigen in Gott Vatter vn̄ herrn /
herrn Valentin / Abbt zu Lenyn / vnd Cōmissa-
rien vber die Clöster Cistertzer Ordens in der
Margk vnd an der See ꝛc. meinem Gnedigen
herrn Empiet ich Jo. Cocleus heyl in Chri-
sto vnd meine willige dinstē.



Erwürdiger in Gott Vatter vnd Gnediger
herr / Es haben die Kinder dervnrube aber
mal ein newes Büchlein außgehen lassen
der Streittigen Artickeln halb / die sie zu
Marpurgk sollen disputirt haben / wie yhr
Büchlein vnd das gemein gerücht / an-
zeigt / die schande irer vneinigkeith vnd zwyspalt abtzu-
legen / ader ye zu ornamenteln / als sind sie der sachē eyns
worden / vnd was da beschlossen sey / das fall yderman
glauben vnd annehmen. Auff solchen scheyn yrer listi-
keit / hab ich yhnen yre Artickeln dewtlicher außgestri-
chen vn̄ erkleret / gemeinem volgk zuguet / domit die ein-
feltigen auch erkennen mögen / das jr vornehmen eyttel
scheyn vnd triegknus ist / welchs keinen bestandt hatt
noch haben kan / weyl der grund falsch vnd bawfellig
ist / So sie allein den glauben auffnutzen / all vordienst
vnd guthe wergk zuuorschlahen / wie es dann der böse
geist / ein feynd aller tügent / durch sie gern in aller welt
haben wolte. Der sie auch durch viel disputirens vom
glauben / dahin bracht hat / das sie in rechter warheit
den glauben gantz vnd gar verloren haben / nicht allein
darumb / das sie ketzer vnd abtrünliche worden seindt /
Sonder auch darumb / das sie der heiligen vordinst vn̄
Göttliche belonung vorlengken / Wer aber zu Gott kö-
men wil / der mus glauben (spricht S. Paulus heb. xi.)
das Gott sey / vnd sey ein beloner denen so yhn suchen /
Domit aber yr schein bey dem gemeinen pöfel deste

besser ansehen hette / haben sich tzeihen Kyszen hindern
im büchlein vntterschriben (ist es anders also wie das
gedruckt büchlein antzeigt) als solte die ganntze welt
durch sie zu solchen Artickeln bekert werden. D der ner-
rischen hoffart vnd blinden vormessenheit / Gleich als
solten zehen vngheorsame Ketzer / die in geistlich vnd
weltlichem Rechten verworffen sind / auch öffentlich
von beyder Oberkeit verdampt / bey vornünfftigen leu-
ten mehr gelten dann. CCC. xvij. Bischoffe im Conci-
lio Niceno / dann. CCCC. xxx. Bischoffe in Cal-
cedonensi / dann. M. CCC. Bischoffe vnd Prelaten in
Lateranensi &c. In welchen allen diese Ketzerrey verdampt
ist. Vnd des Luthers name (welcher vntter den zehen
vntterschreibern obenan stehet) vmb seiner boszheit vñ
Ketzerrey willen / so gar verflucht vnd gehaszt nu worden
ist in den grösten Landen vñ Königreichen der Christen-
heit / das man yn nicht mehr nennen darff. Vñ vor zeit-
ten die Arrianer vnd Donatisten nicht geholffen hat /
das sie viel Concilia gehalten haben / do nicht zehen ver-
worffene Butzer / Sonder mehr dann. CCC. herliche
vnd hochgelerte Bischoffe sampt Kaiserlichen Bott-
schafften vñ andern grossen lewten vorsamlet worden /
vnd dieselbigen alle waren yrer sachen eins vntereinan-
der / diese zehen arme Butzer seint in vneinikeit von ein-
ander abgeschieden. Wir müssen aber der torheit zusehē
bisz sich Gott der tag eins vber sein Kirchen erbarmet /
vnd sie von Türcken vnd Ketzern erlediget. Ewer gnad
wollen (bitt ich) disz mein schreiben gnediglich im be-
sten vorstehen / als der / dem ich vmb seiner Tugent wil-
len / vnd sonderlichen von wegen der bestendikeit im
glauben vñ Christlichen eyfers widder alle Ketzerreyen /
alles gutt von Gott wünsche vnd vndertenigen dienst zu
ertzeigen gantz willigt bin. Geben zu Dreszden am. xij.
tag Nouembris im 1 5 2 9 jare.

Al iij

Vorrede an die Disputanten auff der Conuocation zu Marpurgt.

Lieben herrn / Luth. Zwing. Decolam. Butz. Irh
laszt ausgehen Artickeln / in welchen yr euch vor-
eynt vñ vorglichen haben solt / wie der Tittel außweyßt
Aber doch ewere zancfbücher vnd lesterwort gegen ein
ander / so yr auff beydem teyl yns volgt außgesprüet /
damit nicht abgetilgt seint / vnd yr derselbigen hierinn
nicht gedencckt / ob sie durch solche voreinüg sollen auff-
gehebt sein / ader nicht. Wolte derhalben noch gern vñ
euch zu beydem teyl vornehmen / ob eines ader beydes
teyls zancfbücher sollen durch solche ewer vogleichüg
auffgehoben / todte / vnd abe sein / ader ob man sie noch
lesen vñ halten sollt? Weil sie aber wider einander seint /
vnd eins ja / das ander Neyn sagt / solt yr billich in ew-
rem vortrag außgedruckt haben / in welchem die war-
heit sey. Denn rechte Euangelisten vñ Ecclesiasten müs-
sen cōcordiren / weyl der heylig Geist ein Gott ist / nicht
des zancfs / sonder des frides. j. Corin. xiiij. vnd Christ-
liche rede sein soll ja ja / Neyn Neyn / nicht ja vnd Neyn
miteinander Math. v. Des sich auch Paulus berümpft.
ij. Corin. j. denn in Christo Jesu ist nicht ja vnd Neyn /
Sonder ja / in all seinem zusagen.

Im ersten Artickel gebt yr für / das yr beyderseits ein-
trechtiglich glanbet / das allein ein einiger rechter natür-
licher Gott sey / Schöpffer aller Creaturn zc. Wer hatt
aber vnter vns Christen ye danon getzweiffelt? wer hat
dawyder gefochten? habt yr euch in diszem stück vor-
eynigt / solt yr billich daneben angetzeigt haben / in wel-
ches büchern dawyder geschriben sey vnter euch / das
sich das volgt danor wüßtet zuhütten. Weil aber auch

Aristoteles vñ andre hochgelerte Heyden diß geglaubt
vnd erkennt haben (wie yre bücher außweisen vñ Pan-
lus Rom. j. betzeugt) müßt yr fürwar grobe gefellen sein
so yr zuuor in dißem stück zwispaltig ader vneynig ge-
west seyt. Weyl auch Heyden / Türcken / vnd Jüden in
dißem stück nicht anders gehalten haben / dann yr hie
fürgebt / vnd weyl yr nichts annehmen wollt in Gött-
lichen sachen / dann was in der heyligen schrift außge-
drückt ist / Sagt mir / wo also geschriben stehe / das al-
lein ein eyniger rechter Natürlicher Gott sey ? Ich will
es nicht widerfechten / begere aber / yr wöllet nach ewer
Regel / aus der Schrift antzeigen / wo geschriben stee /
ein natürlicher Gott.

ij.

Zum andern / habt yr eurh voreynt vnd vorglich-
en / wie yr sagt / in dem / das der Sohn Gottes sey men-
sch worden / one zuthun männlichs samens &c. Gleich
als weren jüden vnter euch gewesen / die an diesem stück
getzweyfelt hetten / vnd gesprochen / Christus sey ein
Sohn Josephs des zymermans Math. xij. Ihr thut
warlich hierinn vnweislich (meins bedunckens) das
yr ewer eygne schand also auffdeckt / in dem / so yr im
Christlichem glauben von kindtheit auffertzogen / sol-
lichs von ewern Eldern wol gelernt / dazzu ettliche vn-
ter euch vil jar Priester vñ Doctores gewesen / das volgt
also geleret habt / zu letzt aber durch boszhafftige schw-
ermecey so ferr abgefallen seyt vñ so weyt geyrret habt /
das es nun von nöthen ist / euch / auch in dißem stück
(darinn allein Jüden vnd Heyden getzweyffelt ha-
ben) zuuorgleichen / damit ewere weiber nicht mehr
sprechen möchten / wie vor / mit vnwarheit / das sie glei-
ch so guth seyen als Maria / Denn ewere weiber empfa-
hen nicht on zuthun männlichs samens / als yr hie von
Maria bekennet.

iiij.

Zum dritten / das derselbig Gottes vñ Marie sone
vntzertrente person / sey für vns gecrentzigt / gestorben /
zc. Hierinn haben wir Christen auch nie getzweyffelt /
Aber vnter euch sint wol ettliche gewesen / (Gott gebe /
das keiner mehr gefundē werde) die disputirn dorfften
vñ Conclusiones ausschreiben / das Christus nicht wa-
rer Gott / sonder ein prophet gewesen sey / wie die Mahu-
metischen auch sagen / vnd das er am Creutz ver zc. So
grobe wort wil ich nicht nachsagen. Dabt yr euch nun
in diszem stück auch voreynt vnd vorglichen / hettet yr
billich die arme widertewffer / szo aus ewerm Newen
Euangelio geborn seint / auch auff ewer Cōuocatio be-
rufft / sie von solchen yrthumb abtzuweisen / als ewere
kinder vnd nehste Erben ewerer lere.

iiij.

Zum vierdē / Glaubt yr / das die Erbsunde sey vns
von Adam angeporn / vnd sey ein solche funde / das sie
alle menschen verdamme zc. An diszem stück haben wir
Christen auch nie getzweyffelt / vnd bedörffen hierinne
keiner rachtung / szo wir nie vneins gewesen seint . Aber
jr habt mancherley schandtwort vñ gauckelspiel vō der
Erbsunde getriben / vnd spricht hie / Christus sey vns
zuhülffe komen mit seinem todt vnd leben / wo nicht / so
hetten wir ewigk daran sterben vnd zu Gottes reych vñ
seligkeit nicht komen müessen . Yr sagt aber nicht / das
wir der Erbsunde losz vñ ledigk werden durch die tauff
Yr spricht / Christus sey vns zuhülffe komen mit seinē
tod vnd leben . Nu ist Christus für vns alle gestorben /
Rom. v. vnd. viij. vnd hat die wellt mit Gott vorsōnet. ij.
Corin. v. Es werden aber nicht alle menschen von der
Erbsunde ledigk vnd des Reichs Gottes teylhafftig /
Den Christus spricht Joh. iij. Wer nicht wider geporn
wirt aus dem wasser vñ heiligem geist / der kompt nicht

uns reich der hymeln. Derhalben sagen vnzere heylige
lerer / das wir durch die Tauff erledigt werden von der
Erbsunde / so wir im Tauff mit Christo begraben wer-
den Rom. vi. vnd Christu antziehen Gal. iij. Aber ewer
weyser Luther spricht / wer do sagt / das in ein getauff-
ten kind die sunde nicht bleibe / nach der Tauff / der zer-
tritt Christu vnd Paulum. Vnd spricht weiter / das die
Tauff wol anhebe die Erbsunde wegzunehmen / sie
werd aber nicht weggengenommen dann allein durch den
todt. Ja er spricht / die Tauff nimpt gar kein sunde hin-
wegk / sonder fahet an wegzunehmen. Wie reymen sich
nu solche wort zu diszem stuck eweres vortrags ?

v.

Zum funfften / vornemet yr ewern alten tannt vom
glauben allein on die werck / dadurch yhr / als gewisse
werkzeuge des Tewffels / alle guthe werck vnd vor-
dienste fromer lewthe wollet vnibstossen. So yhr doch
allesampt nicht vormoget / aus der Schrift anzuzeigen
ewer falsche proposition / das allein der glaub gerecht
vnd selig mache. Vnd wiszt / das ich (wiewol der ge-
ringste in Christlicher kirchen) ewerm Luther diszen
falsch offtmals auffgeruckt hab / das er Paulum ge-
felscht hat Rom. iij. Vnd an andern ortten / so er zu dem
glauben das wortlein / allein / hintzusetzt / welches Pau-
lus nie gethan hat / vn beger noch von euch allen / das
yr aus der Schrift disze falsche rede / allein der glaub
macht gerecht vnd selig / antzeigt. Denn das wortlein /
allein / macht grosse vnterscheyd / als so ich sprich / der
mensch lebet / das ist war : wenn ich aber sprich / Allein
der mensch lebet / so wirt es falsch . Also ist es auch mit
dem / glauben / vnd glauben allein. Wie schweigt yr szo
lang still auff meinen Minotauru / darinn ich disen fal-
sch vn Luthers außrede so klar vberwunden hab : wiszt
yr doch wol / das die Epistel Jacobi diser falschen mey-

B i n n u n g

nung gantz zuwider ist / vnd spricht / der glaub one die
wergk ist todt in yhm selbs. Vnd wist / das sie derhal
ben Luther verworffen vnd ein ströene Epistel genannt
hat. Ihr wist auch / das Christus Math. vii. grossen
glauben / der auch wundertzeichen thut / one die wergk
nichts will gelten lassen. Desgleichē das Paulus .j. Co
rin. xiiij. allen glauben one die liebe nichts wil sein lassen.

vi.

Zum sechsten / habt yhr euch vereynt in dem / das
solcher glaub sey ein gab Gottes ꝛc. Wir Christen seint
nie vneynig gewesen in dem / das der glaub sey ein gabe
Gottes / nicht aus vns / nicht aus den wergken (spricht
Paulus Ephe. ij.) Sonder aus gnad vnd gabe Gottes
Vnd alle Theologi in allen Schulen bekēnen drey ein
gegossene Tugenden / den glauben / die hoffnung / vnd
die liebe / wie sie Paulus ertzelet .j. Corin. xiiij. Wir thun
aber nicht (wie yr thut) das wörtlein / allein / zum glau
ben hinzu / die guthen wergk auszuschliessen / vnd auff
den glauben allein zutrotzen. Denn wir wissen / das viel
verdampfte vnd bösse Christen / die in offnen sunden li
gen vnd nichts guths thun / an Christum den Sohne
Gottes glauben / für vns gestorbē ꝛc. wie ewer fünffter
artickel laut / vnd doch weder gerecht noch selig wer
den / denn welche also handeln / die werden das Reich
Gottes nicht erlangen Gal. v. noch besitzen .j. Corin. vi.

vij.

Zum siebenden / redt der vatter der lügen mit follem
gwalt aus euch / vñ spricht / das solcher glaub sey vnser
gerechtigkeit vor Gott / als vmb welchs willen vns Got
from vnd heylig rechent vnd hellt / one alle wrrgk vnd
vordienst ꝛc. Yr arme gefangene teuffelknechte / wist
yr doch wol / das Jacobus spricht .ij. c. der glaub on die
wergk ist todt in yhm selbs / Yr wist auch / das Chri
stus selbs spricht Math. vii. Ein yeglicher boum / der

nicht guthe fruchte bringt / wirt außgerott vnd vns
feuer geworffen. Wie dörfst yr denn hie sprechen / on al
le werck vnd vordienst? Yr wißt weyther / das Chri
stus spricht Lu. xij. Ein knecht / der seines herren willen
ways / vnd schickt sich nicht vñ thut nicht nach seinem
willen / der wirt mit viel geschlagen werden. Welcher es
aber nicht ways / vnd thut etwas straffwürdiges / der
wirt mit wenig geschlagen. Auff welche meinung auch
reden / Paulus Heb. vi. vñ Petrus. ij. Pe. ij. das die Chri
sten / so nichts guets thun / hartter sollen gestrafft wer
den dann die vnglewbigen / die Christū nie erkannt ha
ben. Nu ist ewer höchster vleys / aus des Trewffels ein
geben / frome leuthe von gutthen wercken abzuziehen /
als gelte allein der glaub bey Gott / vnd kein werck / so
doch Paulus vnd fast alle Schrifft bezeugen / das Got
ein yeglichen lohne nach seinen wercken Rom. ij. Psal.
lxi. j. Corin. ij. 2c. Derhalben wirt euch on zweiffel ver
dammen / wo yhr nicht widerkeret / ewer verdampfte
Schluszred / so yr hie spricht / Alle Closterleben ader ge
lübde / als zur gerechtikeit nützlich / verdampft sein. Den
Christus widder dise Schluszred beschleust also Math.
vi. Darumb sucht erstlich das reich Gottes vnd sein ge
rechtikeit. Dorauß spricht Chrysostomus / das Reich
Gottes ist die belonüg guther wercke. Aber sein gerecht
ikeit ist der wege der andacht / durch welchen gegang
en wirt zum reich 2c. Diszer weg ist nicht schlaffen / fress
sen / sauffen / wie ewer hauff thut / Sonder wachen / fa
sten / beten 2c. wie die Closterleut thun vñ Christus leret
viij.

Im achten habt yr euch vorgleicht in dem / das der
heylic geist / ordentlich zureden / niemants solchen glau
ben / ader seine gab gibt / on vorgeend predigt 2c. Wo
laßt yr hie den glauben der getaufften kindlein / welche
gewöhnlich ader ordentlich zuredē / die predigt vñ münd

B ij

*Ordnung
forn 2c*

lich wort nicht vornehmen / vnd erlangen doch durch
die Tauff die eingegossne tugenden vnd gabe des heyligen
geists. Wir aber setzen Gott dem heyligen Geist
kein maß / zyl ader ordenung / wo er wil do blaszet er Jo.
iij. vnd außteilt seine gaben wie vnd wenn er will / nach
seinem Göttliche wolgefallen. j. Corin. xij. Jedoch were
vnserthalben dises artickels auch nicht not gewesen / wir
streitten nicht widder das mündtlich wort / recht gepre
digt / wie ewere himlische Propheten vnd widertauffer
thun / die das eusserlich wort sampt der Schriefft vor
achten / vñ allein Gott selbs hören wollen / wie sie vom
Luther aus seinem Sermon / Attendite a falsis prophe
tis / mögen gelernt haben / do er spricht / Gott mus dir
selbs yns hertz reden vñ dir sagen / disz sey das wort got
tes / disz nicht / vnd must hören / was Gott in dir rede /
sonst bistu verlorn ꝛc. Aus disen wortten seint ewere him
lische Propheten erhaben vber Schriefft / Predigen /
Babst vnd Cöcilia ꝛc. wie der Sermon weiter innhelt.

ix.

Zum neunnden vorgleicht yr euch in dem / das die
heylige Tauff sey ein Sacrament / das zu solchem glau
ben von Gott eingesetzt ꝛc. Wir haben vom Sacrament
der Tauff nie getzweiffelt / bedörffen auch keins vor
trags dauon. Yr aber habt es lange zeit für ein schlecht
eusserlich zeichen gehalten / das weder sünde hinweg
neme / noch gerechtikeit bringe / sonder allein der glaub
(sagt yr) mache gerecht / solang / bisz yr die arme wy
dertauffer erweckt habt. Vnd laßt noch nicht abe / die
Tauff zuuorkleinern / damit yr ewern falsch vom glau
ben allein schmucken vñ erhalten möchtet. Es soll euch
aber nicht helffen / falsch mus falsch bleiben / wann yr
schon. x. thausent bücher falsches schmugks auff bring
et / denn wir wissen / das der glaub allein / on die Tauff
nicht selig macht / wie Christus Joh. iij. vnd Mar. xvi.

Klar ausspricht / vnd die Kirch in Cathecuminis / so ges
wachsne tewffling waren / antzeigt / welche den glau
ben wol wüsten / vnd doch nicht rechte Christen waren
geachtet / bisz sie getaufft worden. Derwiderumb hal
ten wir die getaufften Kindlein für rechte Christen / die
vom glauben noch an yhn selbs nichts wissen / auch
nichts gelernt haben / darumb ewer Taunt vom glau
ben allein / eyttel falsch vñ ketzerey ist / die Tauff bringt
gnad mit sich vnd Christum selbs Rom. vi. vnd Gal. iij.
wie der hochwürdig Bischoff Roffensis vnd ich nach
der lenge / wider den erstē vñ andern Luthers verdäpte
artickelel beweist habē. Aber der glaub allein / ist ein arms
vnnütz gedicht / widder gutthe wergk / vonn Tewffels
knechten erfunden / in keiner schrift begriffen.

x.

Zum zehenden / spricht yr / das solcher glauben /
durch wirgung des heyligen geists / hernach / so wir
gerecht vnd heylig dadurch gerechent vñ wordē sint /
guthe wergke durch vns vbet zc. Yr arme Beltzlicker /
wie müst yr soviel vnnützer wort anlappen / ewern fal
sch vom glauben allein / zuschmucken / vñ wil doch nit
helffen / denn fleck ist fleck / falsch ist falsch / wenn es
schon mit lauttern Beerlein geschmugkt were. Yr habt
die Theologos langzeit vorskottet / so sie setzen fidem
informem / vnd fidem formatā / das ist / zweyerley glau
ben / Linen / so ein Christemensch in todtsunden ligt /
vnd sein glaube an Christū mit sunden besleckt vnd vn
gestalt worden ist / derselbig macht vns nicht selig / wie
Pauls spricht. j. Corin. xij. Den andern heissen wir den
formirten glauben / der durch die lieb wirgkt Gal. v. mit
liebe vñ gutthen wergken geschmugkt / danon Christus
redt Math. vij. vnd. xxv. mit keiner todtsunde besleckt zc.
diesem geben wir wol zu die gerechtikeit Abacuc. ij. Ro.
j. Heb. x. Er ist aber nicht allein / wie yr arme leuthe den

B ij

In byt v
gruber vrb
weydt no
müß vñ
glauß ifr

glauben allein haben wöllet / Sonder er ist bekleidet mit
der gnad Gottes / mit lieb zu Gott vñ gegen dem nech-
sten / vnd mit wercken der barmhertzigkeit / vnd andern
guthen wercken der andacht . Darumb sprechen wir
nicht / das der glaub allein gerecht vnd selig mache /
denn es ist falsch / vñ nirgent geschriben denn in ewern
falschen büchern. Es gehört mehr darzu dan der glaub
allein . Soltu vonn sunden gerechtfertiget werden / szo
mustu nicht allein glauben an Jesum Christi für vns
gestorben zc . Sonder du must auch bitten Gott vmb
gnad / wie der offne sunder im Tempel Lu. xviii . Must
haben den heyligen geist / der die sünde vortzeihet Joh.
xx. Item die liebe / welche bedeckt die menig der sunden
Jac. iiij. Die hoffnung vnd andacht zu Gott / vbung in
almuszen vnd andern guthen wercken Lu. xi. auff das
dir alle ding reyn seint. Ober das alles gehört auch das
Sacrament der Buß darzu / wie Christus vñ sein vor-
lau ffer Joannes bezeugen Math. iij. vnd. iij. werdt yhr
nicht buß thun (spricht Christus Lu. xiiij.) szo werdt
yr alle des gleichen verderben . Yr seyt aber sueste oren
krawer / die bitterkeit der Buß (dauon der könig Eze-
chias redt Esa. xxxviiij.) gefelt vnd schmeckt euch vnd
ewern anhang nicht / yhr wöllet allein glauben. D wie
tewer werdt yr das falsch / vnd von euch erticht wört
lein / allein der glaub / müssen bezalen in der helle / szo yr
das arme volgt dadurch so leckerlich versüert / vñ von
aller andacht vnd guthen wercken abtziehet. Yhr setzt
hie allein die lieb gegen dem nechsten / vnd laßt aus die
lieb gegen Gott / szo yhr doch wol wißt / das Christus
spricht Math. xxij. das gcöste vñ erste gepott ist / du solt
Gott deinen herrn liebhaben zc. Aber diß thut yr auch
aus dißem falsch vom glauben allein / szo ewer Luther
leret in seiner Babylonica / das allein der glaub gegen
Gott handel / kein werck. Nu wißt yr aus vil schrifften

S. In
gehoffen
Luther

mit
ch
ern
wir
de /
ern
aub
so
ns
mb
ust
oh.
den
in
as
as
or
hr
rdt
en
ze
nd
wie
rt
yr
on
etzt
die
us
olt
ch
er
en
en

das wir sollen Gott lieben / loben / ehren vnd preyszen
vber alle ding Deut. vi. Psal. xlix. xc. yhm dienen in der
forcht Psal. ij. ym reuerentz erzeigen mit fasten / feyern /
beten / almusen vnd allem was wir vormögen aus ganz
zen krefften zc. Aber yr gleubler bedürfft keins wergts
gegen Gott dann allein glauben / vnd trotzet dorauß /
wie euch Luther leret. Yr wiszt aber / das auch die teuf
fel gleuben / vnd trotzen nicht / sonder erzittern vñ fürch
ten Jac. ij. vnd seind in diszem stück frömmier dann yhr /
denn Gott will nicht trotz / Sonder forcht haben Esa.
lxvi. Michee. vij. zc.

xi.

Zum eylfften / habt yr euch voreint / das die beicht
ader rathsuchung bey seinem pfarherr ader nechsten /
wol vngezwungen vñ frey sein soll / aber doch vast nütz
lich zc. Disze voreynung gefellt der loszen rott (die nicht
gern beicht / bett ader fast) auch wol / wie yr wiszt / das
ewer ein grosser hauff in drey / vier / ader fünff jarn kau
met ein mael beichtet / vñ sagt doch was yr wollt / weil
es frey vñ vngezwungen sein soll. Wie bleibt es aber frey
vnd vngezwungen / so ewere Visitatores gepieten / nie
mants das Sacrament zugeben / er sey dann zunor von
seinem pfarherrn examinirt vnd außgeforschet / ob er
geschickt darzu sey? Yhr stachelt auch hie widder den
gwalt der Priester zu absoluirn / so yr newe fündlein hin
zu setzet / rathsuchung / bey dem nechsten / tröstung zc.
Es hilfft aber nicht / lieben fündler / was Christus den
Priestern gegebē hat / das werdt yr ynen nicht nemen /
die pforten der hellen vormögens nicht Math. xvi. denn
sein wort bleibt ewiglich Esa. xl. Math. xxij. So er des
Petro in sonderheit Math. xvi. vnd Joh. xxi. vñ darnach
in gemein allen Aposteln Math. xvij. vñ Joh. xx. follen
gwalt gegeben hat / die sunde zbinden vnd zuentbin
den / möcht yr solchen gwalt wol vnangefochtē lassen /

denn widder den Herrn hilfft kein weißheit / kein klugheit / kein rath Prover. xxi.

xij.

Zum zwölfften / spricht yr / das alle Oberkeit vnd weltliche Gsetz / Gericht ader ordnung / wo sie seint / ein rechter guther Standt seint / vnd nicht verbotten / wie ettliche Pöpstliche vnd widerteußer leren vñ halten ꝛc. Wer seint aber dieselbigen Pöpstlichen / die alle Oberkeit vnd weltliche Gsetz verbieten ? zeigt vns doch eynen an. Ich hab euch aber den rechten Zarraban in vil büchlein / vñ sonderlich in den Sieben Köpfen / dermassen aus seinen eigenen wortten angetzeigt / das weder er noch yr möget leugken. Fürwar die auffrüerischen Bauern waren nicht Pöpstliche / Sonder nach ewer Regel gutt Euangelische: desgleichen wollen auch die widerteußer nicht Pöpstlich sonder Euangelisch genent werden / wie yr. Vnd yetzt die trewlosen Abtrünlinge bey dem Türcken / seint auch nicht pöpstlich / sonder ewers glaubens gutt eigenwillisch. Derhalben hettet yhr die pöpstlichen hie wol vnbeschuldigt lassen / vñ ewern Luther besser vnterweyßt / der die weltlichen Oberkeit vom Reich Christi abscheidet / vnd nicht für Christen hellt / so er der Oberkeit zuleszt kriegt vnd gericht / welches er den Christen beydes will verbotten haben / vnd spricht vnter viel andern schellwortten / das die Fürsten seint willpret zu hymel ꝛc.

xij.

Zum dreytzehenden / wöllt yr / das man heiszt Tradition / menschlich ordnung / inn geistlichen ader kirchengeschefften / wo sie nicht öffentlich widder Gottes wort streben / mag man frey haltē ader lassen / darnach die leuthe seint / mit denen wir umbgehen ꝛc. Wer hat aber euch gwalt geben vber die Kirchen / frey zumachen / was sie gepentt ader verpentt ? Wißt yr doch / das

Christus haben will Math. xvij. man soll die Kirche
hören / vnd wißt / das sie Paulus. j. Timo. iij. heisset ein
Sewl vnd grundtfest der warheit. Yr wißt auch / das
Christus Petro die Schaffzuregirn beuolhen hat Joh.
xxi. Vnd das fröme schaff die stimme yres hyrten hö-
ren sollen Joh. x. wie dörrft yr dann solche wort vñ ge-
pott des ewigen Sohns Gottes aufflösen vnd frey ma-
chen? Yr wißt auch / das Paulus gepentt / vnsern vor-
steern gehorsam zusein. j. Thess. v. Heb. xij. Wer seindt
aber zu sanct Pauls zeitten vnser Prepositi ader Vorste-
er gewesen? Seindt es Könige / Fürsten / Ritter vnd Gra-
uen gewesen? das zeiget vnns an / kündt yr. Wir wissen
aber aus der schrift Act. xv. xx. xc. vnd aus alten bewer-
ten historien vnd Episteln / das es Bischoffe vnd geist-
liche Prelaten gewesen seint / denen vns das new Testa-
ment vielmehr gepentt gehorsam zusein / dann weltlich
en Fürsten / wiewol wir beyder Oberkeit schuldig seint
gehorsam zulaisten. j. Pe. ij. Yr setzt zuletzt ewern gey-
len schwantz hinzu / vnd spricht / das auch die lere / so
pfaffen Ehe verpentt / Tewffels lere sey. Tu wißt yhr /
das den Priestern fürnemlich zimpt vnd gepotten ist /
heyligkeit vñ keuscheit zuhalten / Lenit. xix. xx. vnd. xxi.
Dazu auch trewlich vormant Christus Math. xix. vnd
Paulus. j. Corin. vij. Sie habens auch mit eygnem le-
ben vnd Exempel also geleret / vñ ist kein fröner Bisch-
off / Priester ader Münch in . 1529 . jarn erfunden wor-
den in der gantzen Christenheit / der in Bischofflichem
ader geistlichem stande hett ein weib genohmen zu der
ehe. Seyt yr keck / so zeiget vns einen an / vnd stecht vns
ein aug aus mit yhme.

xiiij.

Zum viertzehenden / spricht yr / das die kindertau ff
recht sey / vnd sie dadurch zu Gottes gnaden / vñ in die
Christenheit genomen werden. Disz haben wir allweg

C i

geglaubt / Aber yhr habt ein lange zeit solche mainung
für ketzerey gehalten / vnd gesagt / Es sey wol ein alte /
aber ein ketzerische mainung / das die Sacrament des
Newen gesetzts gnad geben / denen so dem Sacrament
kein hindernis thuen. Yr habt auch die Tauff nur für
ein eusserlich zeichē gehalten / auff das der glaub allein
solt gerecht machē. Zu dem / so habt yr auch newe tauff
form erfunden / die gesegendte tauff vorskott / das tauff
wasser ausgeschütt / die tauffstein zerbrochē ꝛc. solang
bisz die Widerteuffer seint dadurch auffgestanden / von
welchen yr abweichet / so yhr sehet / das alle Oberkeit
widder sie ist / vnd wiszt doch / das sie aus ewer falsch
en lere vom glauben allein / seint entstanden.

xv.

Zum funfftzehenden / wolt yr gern die hawt ewers
vatters Behemoth gantz machen / seine schuppen fest
vnd enge in einander schliessen / das nicht ein lufftlein
hindurch möchte / wie geschriben stehet Job. xli. Aber
Christus / des wort yr felschet vnd sein kirchen zertren
net / mag es nicht leidē. Yr müest vntereinander zertren
net bleiben / vnd öffentlich zuschanden werden / wie vor
euch andern ketzern auch geschehen ist / weñ schon der
Kaiser selbs (da Gott vor sey) ewer beschützer sein wolt
Denn die kirch ist auff den starcken felsz Christum ge
hawt Math. vii. vnd. xvi. den yr nicht werdt umbstossen
wenn yr auch den Türcken zuhülff hettet. Wiewol yhr
aber hie viel fleck an ewern zerrissen Peltz vnd zertrenten
rock zuhauff lappet / bey dem volgt eyn schein zumach
en / als weret yhr auch in diszem stück voreynt bisz auff
ein pünctlein / vñ zelet her / das yr beyderseits eintrech
tig seyt / von beyder gestalt diszes Sacraments / von der
Wess / vom zaichen / von der geistlichen niessung / vnd

(damit die zeal gros werde) vom branch dieses Sa-
craments / welcher auch zuuor gemeldet ist in beider ge-
stalt / vnd in der geistlichen niessung. So seyt yhr doch
alle noch in dem rechten hawptstück vneyns vnd zer-
trennt / Nemlich ob der ware leib vnd das ware blutt
Christi wesenlich da sey. Die zerren sich eweres Behe-
moths schüppen voneinander / vnd glarsen weyt auff/
das nicht allein ein lufftlein / sonder auch ein geladener
heuwagen wol hindurch möcht schlupffen. Denn es
ist gar ein weythe lucken zwüschen schlechtem brot vnd
warem leib Christi / zwüschen natürlichem wein vñ wa-
rem blut Christi / zwüschen ist vnd bedentt / zwüschen
leib vnd leibs figur zc. Die ist Behemoth auff beydem
teyl stoltz vnd muttig / Denn er ist der König vber alle
kinder der hoffart Job. xli. Die hoffart vnd durst eytler
ehre will keinen teyl dem andern weichen lassen. Noch
meinet yhr / Gott werdt euch in solcher hoffart vñ zwy-
tracht bettende hören / vnd seinen geist (des yhr euch
lang berümpft / vnd dem Luther auff das ohr gemalt)
euch todten vnd abgeschnittenen glydern der Kirchen/
geben / ob die zerrissene hawtt Behemoths möcht aller-
ding zusam gelapt / vñ die zerteilten schüeppen zuhauff
gefueget werden. Es hülfst aber nichts / yhr müest gar
zu scheitern gehen / so wol als andere ketzer. Den Chris-
tus spricht Luc. xij. Wer nicht zusame list mit mir / der
zerstrewet. Item Math. xij. Ein yeglich reich in sich ge-
teylt / wirt verwoestet werden. Vnd Paulus Tit. iij. Die
ketzer seindt aus eygnem vrteil verdampt. Auch wöllen
wir kirchenkinder den. lxvij. psalm so lang vnd viel wy-
der alle kirchenfeynde betten / bisz wir zuletzt mit erfar-
ner warheit mögen sprechen / wie der rauch zergehet /
also seindt sie zergangen / vñd wie das wachs vom
feuer zerschmeltzt / also seint sie vor dem antlitz Gottes
zuschmoltzen zc. Denn Luther bekennet selbs / das die

thier des rhors / doselbst / seindt die falschen lerer mit
yrem hauffen / welche zerstreuet vnd vneyinig bleiben
müssen / weil sie seindt außgetreten vñ abgewichen vō
der kirchen / in welcher die kinder einmütiglich wonen
im hauffe . Aber die Ketzer seindt rotte der ochsen (wie
Luther doselbst vordolmatscht) vnder den leuthen / die
yre kelber seind . Wiewolich aber wünsche / vnd fast wol
leiden möchte / das sich alle Ketzer bekerten / theten buß
vnd gedechten von wann sie gefallen seindt Apo. ij. vnd
nemen widerumb an die ersten lieb / die sie vorlassen ha-
ben . So hoff ich doch vnd getraw zu Gott / er laß die
Ketzer vntereinander nimer nicht allerding eyne werden
weil sie den bronnen des lebendigen wassers vorlassen /
vnd zerstreute Cistern / die nicht mögen wasser halten /
gegraben haben Diere. ij.

Schlussrede.

Soviel will ich auff diszmal von der newen Conuo-
cation vnd voreynigung gesagt haben / dem einfeltigen
volgke zugutt / welchs durch vorblümte wort vñ schein
diszer. xv. Artickelu / darinn sich zwue Secten voreynt
haben sollen / möchte betrogen werden / vñ achten / als
were nichts arges da / Sonder eytel frid / einigkeit vnd
rechter glaub. Aber im grund / so man die Artickel recht
ansihet / ist es lautter betrug / zwyspalt / ärgernis vnd
Ketzerey / allein dorauß gericht (als viel ichs vorstehe)
das des volcks gemürmel vō yrer vneinikeit solt damit
gestillt werdē . Es wirt aber nicht helffen / weil sie noch
in den höchsten hewptstückken vneins / vnd teglich mit
worten vnd wergken widereinander seint. Denn die Lu-
therischen halten noch Mess / haben noch altaria / mess-
gewand / bilde / Clöster vnd kirchen / vnd glauben / das
im hochwürdigen Sacrament der ware leib vñ das wa-
re blat Christi sey . Aber die Zwinglischen halten gar

kein Mess/brechen ab die altar/tragen die Messgwant
auff den Krempelmargkt/zerstören die Clöster/brechen
vnd verbrennen die bilde der heyligen/vñ sagen/im Sa-
crament sey wesenlich nichts denn brot vnd wein/vnd
seind also der sachē noch weyt vneins. Wer doran zwey
felt/ der lesze beyder Parthey bücher/welche sie widder
einander geschriben/vnd noch nicht widerrufft haben.
Doder halte auff's kurtzist gegeneinander die Artickeln
der Visitatorn zu Sachssen/vnd die newen Reformaci-
on der stadt Bern im Schweitzerlande/so wirt er bald
sehen/wie feyn disze zwue Secten zusammen stimmen vñ
miteinander concordirn. Denn es ist vnmüglich/das
außerhalb der Kirchen rechte einikeit sey: wann außer-
halb der Kirchen ist der heylig geist nicht/der ein Gott
des frides vnd einikeit ist i. Corin. xiiij. vnd Ephe. iij. 2c.
welchen Christus seiner kirchē vorheissen hat Job. xiiij
vnd. xvi. vnd gegeben Job. xx. das er soll ewiglich bey
yr bleiben/durch welches eingeben die heyligen leerer/
deren ettliche vielhundert meyl/auch vielhundert jare
von einander gewesen/inn sachen des glaubens eintrech-
tiglich geschriben haben/als Hieronymus zu Bethle-
hem/Augustinus in Aphrica/Gregorius zu Rom/Be-
da in Engelland/Bernhardus in Franckreich 2c. Aber
yetzt bey vns Tewtyschen mögen sich auch die nehesten
nachbawern vnter den Kettern inn sachē des glaubens
nicht recht vergleichen/als Luther vnd Carolstat/bey-
de zu Wittenberg/erste anfaher diszer Secten. Dazu be-
kennt Luther selbs/das mehr denn. x. Secten allein vom
Sacrament des Altars sich in diszen jarn erhoben ha-
ben widder yhn. Nu stehet er auch nicht fest/vnd mus
zu bodem fallen/wie ich inn Sieben Köpffen angetzeigt
hab/weyler die heylige wandlung vorlengkent/vnd
setzt brot/nach als vor. Sie haben auch hie in yrer Con-
uocation nicht gesehen/die weysen Propheten/das yre
wort

wort sichselbs vmbstossen / da sie vom glauben allein re-
den / auszuschliessen die wergt / vñ bekennen doch / der
glaub sey nicht müessig ader one wergt. Vnd do sie das
hochwirdig Sacrament ein Nachtmal Christi vñ ein
Sacrament des Altars heysen / seindt sie auch widder
sichselbs / denn sie brauchens nicht bey der nacht ader
auff den abent / Sonder zu morgens / als sich Christus
am Creutz geopffert hat / wie es die Kirch in der heyli-
gen Mess auch gebraucht vñ opffert. Sie aber wöllens
kein opffer sein lassen / vnd heissens doch ein Sacramēt
des Altars / nicht des tisches. Thū ist der rechte natür-
liche brauch des Altars zu nicht anders dann zum opf-
fer / wie die Debreischen wol wissen / das der altar vom
opffer auff hebreisch seinen namen hat / wie es auch die
Heyden nicht anders gebraucht haben. So dann der
Altar allzeit bey Jüden / Heyden vñ Christen fürnem-
lich zum opffer gebraucht worden ist / warumb heysen
sie es ein Sacrament des Altars / welchs sie kein opffer
wöllens sein lassen? Sie wissen ye aus beyden Testamen-
ten das die Altaria zum opffer gemacht vnd gebraucht
worden seint. Weyl dann yr soviel / so weys vnd hoch-
gelerte / wie sie geachtet werdē / nicht haben ersehen mö-
gen / das sie in so kurtzem büchlein widder sichselbs re-
den / was solten sie denn ersehen in langen büchern / die
yeglicher für sichselbs schreibet / on rath vnd hülff so
vieler gesellen? Wie offft aber Zwinglin wider sichselbs
geschriben habe / ist durch Doctor Jo. Fabri vnd andre
nach der lenge angetzeigt. Vnd Luthers widerwertige
Bücher seint vilimals von vielen gestrafft / wie auch die
Sieben köpffe antzeigen. Welchs alles daher kompt /
das sie von der Kirchen abgefallen / den heyligen geist /
einn Gott der warheit vnd eynikeit verloren haben / vñ
dem vatter der lügen zuteil worden seint / Gott erbarme
sich vber sie / damit sie / nicht vntereinander widder die

Kirchen/Sonder durch vermaledeyung vñ abschwe-
rung aller zwyspallt vñ ketzereyen/mit Christlicher Kir-
chen widerumb eyns werden/wie sie zuuor alle gewesen
seindt Amen.

Endtlicher beschluß aus des Luthers eigen wortten li. ij. contra Zwingliū et Decolampadiū.

Auffs erst/sey ein yeglicher fromer Christ gewar-
net vor den Sacraments feynden/aus der ursach/ das
disze Secten fluchs im anfang soviel rotten vñ hewpter
hat/vnd vntereinander selbs vneyns seint diszes Texts
halben (Das ist mein leib für euch gegeben) denn sol-
che vneinikeit vnd rotterey kan vnd mag nicht vom hey-
ligen Geiste sein. Es ist gewisz der leydige Sathan. Et
infra. Aber den Text im abentmael wollen wir einerley/
einfeltig/gewisz vnd sicher haben in allen wortten sylla-
ben vñ buchstaben. Weyl sie das nicht thun/so schliesz
ich frey/das der Tewffel/aller vneinikeit vatter/ sey yr-
lerer. Denn. S. Paulus spricht/ Gotr ist nicht ein Gott
der vneinikeit. So seindt auch alle Christen einerley ge-
sinnet Ephe. iij. vñ machen nicht zertrennung. j. Corin. j
Also kennestu diszen geist aus der frucht yrer vneinikeit.

Gedruckt zu Dresden durch
Wolfgang Stöckel

• 1530 •

Fig. 816 01

Faint, illegible text, possibly bleed-through from the reverse side of the page.

N. 5.



X 2207056

